




c. ep.







# Aduertissement

aux Fidelles sur la de-  
position du Sieur Ca-  
hier du S. Ministere  
de l'Euangile, & sur sa  
reuoelte.



M. D. XCV.

Adversitément

aux fidèles sur la de-

position du Saint Es-

prit du 2. Ministre

de l'Evangile

THE NEWBERRY  
LIBRARY


Case

F

39


326

15952



W. D. N. C. N.





# ADVERTISSEMENT

*aux Fidelles sur la deposition du  
Sieur Cahier du Saint Ministere  
de l'Euangile, & sur sa reuolte.*

**D**Es diuers iugemens que les hommes font, selon qu'ils sont ou mal informez, ou passionnez, des deporttemens d'autrui, sans espargner mesmes ceux que Dieu, & la Nature nous commandet de respecter, dōnēt quelquesfois suiet de publier des choses, qu'il seroit expediēt d'estre à jamais enseuelies: Pour ne laisser fouler aux pieds l'honneur des gens de bien, & haut louer les meschans. Ce mal procede en partie, de la licence que le desordre des guerres ciuiles nous a apportē. Chacun se donne ceste liberte en sa maison de chastier les mal-versations de ses domestiques. A plus forte raison doit-il estre permis aux Princes: mais



sur tout quant il est question de celles, qui touchent le seruice de Dieu, & le salut des ames : veu qu'ils doiuent estre peres nourrissiers de l'Eglise.

Qui eust pensé que son Altesse pour auoir fait deposer le Sieur Cahier du ministere du Sainct Euangile, avec cognoissance de cause, par l'ordre que Dieu a prescrit par sa parole, & qui est pratiqué és Eglises reformées de ce Royaume, d'eust estre suiette au contre-rolé d'un chacun?

C'est pourquoy par son expres commandement nous sommes contraincts d'en publier l'histoire au vray, afin d'en esclarcir les mal informez, & fermer la bouche aux passionnez.

Il y eut deux ans en Septembte dernier, que le Synode de Xaintonge escriuit des lettres aux Ministres & Anciens de l'Eglise reformee, qui estoient pour lors en Cour, pour les aduertir des plaintes faites contre ledit Sieur Cahier, qui estoient telles, & tesmoignees par tant de gens de bien, qu'ils s'estonnoient cōme il estoit souffert en l'exercice de sa charge. Or d'autant que ledit Cahier



estoit nouvellement venu de Bearn en France, & qu'a ceste occasion les deportemens leur estoient incognus, ils luy communiquerent lesdites lettres, afin qu'il mit ordre de se descharger de ce blasme.

Environ deux mois apres, les Deputez des Eglises estans assemblez à Mantre par le commandement du Roy, on s'esclaircit avec ceux de Xaintonge du merite desdites plaintes. Et fut resolu d'ouir ledit Sieur Cahier sur icelles, pour, l'ayant ouy, luy donner aduis de ce qu'il auoit afaire. Ce qui fut faict à Vernon. Les plaintes estoient qu'il auoit quitté l'Eglise de Poitiers qui luy auoit esté ordonnee, pour se fourrer par mauvais moyens, premierement en celle du Roy, & depuis en celle de Madame; qu'il s'adonnaient tellement aux sciences curieuses, qu'on l'appelloit ordinairement Petrus Magus; qu'il s'estoit porté peu honnestement a l'endroit d'une Damoiselle; & qu'en l'exercice de sa charge, il ne se comportoit selon l'ordre establi aux Eglises reformees de ce Royaume. Ses responces furent telles,

qu'elles firent cognoistre à la compagnie, qu'il y auoit plus de mal encor qu'il n'estoit porté par lescdites plaintes.

Ce qu'ayant apperceu, il couppa broche à la compagnie, & trouua moyen de leur faire imposer silence. Ce qui fut cause qu'il fut resolu de le faire appeller au Synode national, pour cognoistre de son faict.

Ce qu'ayant descouuert, il se resolut de traiter avec quelques Euesques de l'Eglise Romaine, promit de semer leurs opiniōs dans les esprits de ses auditeurs, & de faire en sorte qu'il les ameneroit avec soy, au giron de l'Eglise Romaine: Et moyennant ceste promesse, luy fut donné vne pension de quatre cents escus sur l'Espargne, avec assurance d'un bon benefice.

Desquelles choses remonstrances luy ayant esté par plusieurs fois faites, tant en particulier, qu'en son Consistoire: mesmes en la presence de son Altesse, & par elle aussi, auroit le tout denié avec de grandes protestations, fors de la pension, dont il disoit auoir touché vn quartier.



Au mois de May suyuant, le bruit estant constant à la Cour, & dans Paris, & confirmé par aduis enuoyez de plusieurs endroits du Royaume, mesmes des nations estrangeres, que ledit Cahier quittoit sa religiõ, que les Euesques susdits en auoient asseuré ceux de la Sorbonne, & la pluspart des Prelats : & particulierement vn Officier du Roy en ayant asseuré vn Gentil-homme fort qualifié, comme le tenant de sa bouche, ledit Gentil-homme luy en escriuit, le priant l'en vouloir esclarcir. Sa responce fut que ledit Officier luy faisoit tort: toutesfois le prioit de l'entretenir en ses bonnes graces.

Ce Gentil-homme ayant assemblé quelques vns de ses amis, pour aduiser avec eux sur ces aduis & responce, fut resolu que deux d'entre eux l'iroient trouuer pour communiquer avec luy. Ce qui fut executé le troisieme iour des feries de la Pentecoste. Et apres auoir protesté par plusieurs fois n'auoir donné aucun suiection de tels bruits. On l'adiura au nom de Dieu, d'ouurer son cœur afin que s'il estoit en doute de quelque



point de doctrine, il s'en esclarcist avec ses compagnons, d'autant que c'estoit la voye ordinaire & legitime: Il protesta de rechef de cōsentir en tout & par tout avec ses compagnons, estant prest de signer de son sang la Confession de foy des Eglises reformees de la France, & la discipline observee entre elles: Il est vray, que pour le regard des Ceremonies, il eust desiré qu'on en eust retenu d'avantage. Mais luy ayant esté repliqué qu'ou les Ceremonies dont il parloit, estoient de l'essence des Sacremens, ou elles n'en estoient point: Que si elles en estoient, en le faisant paroistre par l'institution d'iceux, ou autres passages de l'Ecriture Sainte, on estoit prest de les recevoir: Que si elles n'en estoient, il scauoit qu'on n'y estoit aucunement obligé: A quoy n'ayant rien respondu, on se retira, en luy donnant aduis qu'il feroit tresbien de publier quelque escrit, pour fermer la bouche a ceux qui semoient ces bruits, puis qu'il les maintenoit faux.

Et d'autant que ces bruits se renforçoient de iour a autre, quelque temps apres

pres, par le commandement de son Altesse, fut faite vne assemblee Ecclesiastique pour y pourvoir, dont suit le resultat.

Sur les rapports qui ont esté faits de plusieurs endroits, & les bruits semez en la ville de Paris, & ailleurs, de Monsieur Cahier Ministre de la Parole de Dieu en l'Eglise reformee recueillie en la maison de Madame: Qu'il vouloit laisser non seulement son ministere, mais aussi la vraye religion reformee pour suiure la religion Romaine:

Les Ministres & Anciens des Eglises reformees de la Cour, de la maison de madite Dame, & de Monseigneur le Duc de Bouillon, assemblez en Consistoire par le commandement de son Altesse, fait enqueste sur les fondemens desdits bruits, & les remonstrances cōuenables audit Cahier, luy ont donné aduis & chargé de faire ce qui s'ensuit, pour apporter quelque remede & réparation au scandale, qu'ont apporté lesdits rapports & propos espars çà & là, & preuenir l'accroissement d'iceluy.

Premierement que ledit Sieur Ca-



hier signera de nouueau la Confession de Foy, & les Articles de la Discipline des Eglises reformees de ce Royaume, pour tesmoigner son entier & perpetuel consentement avec icelles, tant en doctrine, qu'en discipline: & combien il deteste les abus & corruptions de la Romaine. Ce qu'il fera aussi cognoistre en ses predications selon l'occurrence, & poincts de doctrine qu'il traittera.

En outre dressera vn brief escrit signé de sa main, pour refuter & contredire les susdits bruits: par lequel aussi, il promettra de ne rien entreprendre, ni innouer de fait, ny de parole, ou escrits, contre la reformation desdites Eglises, soit en la doctrine, ou és ceremonies: Ny d'entrer à ceste fin, en aucune communication avec qui que ce soit de son auctorité priuee.

Et pource qu'un Officier du Roy a publié partout, que ledit Sieur Cahier luy auoit promis de suiure la religion Romaine, & d'aller à la Messe: Son Altesse sera suppliee de faire venir l'un & l'autre és presences desdits Ministres & autres qu'elle trouuera bon: afin d'es-



clarcir la verité , ou la calomnie de ce propos, par le tesmoignage & confrontation de l'un & de l'autre. Et que par ce moyen & les autres susdits, on puisse repurger de scandale , & affranchir de blasme , l'Eglise de la maison de Madame: ensemble la personne & le ministre dudit Sieur Cahier.

Et quant aux plaintes & accusations qui ont esté par cy deuant proposees contre luy, au Synode de Xaintonge, & dont mention estant faite au National, n'agueres tenu à Montauban, en a ledit Synode renuoyé la cognoissance & le iugement au prochain Prouincial de Xaintonge, ordonnât que ledit Cahier ait a si représenter a ceste fin: Lesdits Ministres & Anciës assemblez comme dit a esté en Consistoire, n'ont voulu entreprendre d'en cognoistre en aucune maniere. Ains ont enioint audit Sieur Cahier de comparoistre audit Synode de Xaintonge, suyuant l'ordonnance du national, pour se purger & iustifier desdites accusations.

A quoy, ensemble à tout ce qui luy a esté prescrit cy dessus, ledit Cahier a

promis satisfaire & l'accōplir de poinct en poinct. Faict, deliberé, & resolu audit Consistoire, le quatorziesme iour d'Octobre 1594.

Estant sollicité d'effectuer ce que dessus, suivant la promesse, & ne l'ayāt fait, fut appellé au commencement du mois de May dernier, au Synode de l'Isle de France: ou apres vne conference d'un iour & demy entier, sur les poincts controuerses en la religion. En fin donnant gloire à Dieu, signa sous le nom de la Palme (ayant asseuré la compagnie d'auoir accoustumé de signer ainsi) avec tous les autres Ministres & Anciens, l'escrit qui s'ensuit.

*Nous sous-signez pour tesmoigner nos libre & entier consentement avec toutes les Eglises de ce Royaume, tant en doctrine qu'en discipline, promettons signer la Confession de foy & Articles de la Discipline desdites Eglises. Et des maintenant nous les approuuons, & y souscrivons par la presente, recognoissans & croyans ladite Confession conte-*



nir la vraye doctrine Chrestienne, conforme à la Parole de Dieu escrite és livres Canoniques du Vieil & Nouveau Testament: Et ladite Discipline y auoir aussi son fondement. Promettons ny contreuenir en aucune maniere que ce soit de parole, ou par escrit. Fait ce quatriesme de May, 1595.

Quelques iours apres ledit Sieur Cahier partant pour aller trouuer son Altesse, il pria vn honnestre homme, de retirer vn certain escrit d'vn Sieur du Conseil priué, a qui il l'auoit baillé pour voir: Luy en donna aussi vn autre, qui luy leut & exposa, pour les faire coppier & imprimer tous deux. Ce quen'ayant voulu faire l'Imprimeur auquel il s'estoit adressé, sans les auoir communiquez à ses amis: En fin apres auoir couru par les plus honorables maisons de la ville de Paris, tomberét entre les mains de deux personages d'honneur, qui les ayans veus, & sceu que ledit Sieur Cahier en estoit l'autheur, en auroient fait plainte a son Altesse, & Consistoire de



l'Eglise de sa maison, en presence dudit  
Sieur Cahier. Ou ayant esté resolu, que  
pour pourvoir audit scandale, le Synode  
de la Prouince seroit assemblé : Son  
Altesse en escriuit aussi les lettres qui  
s'ensuiuent.

*Messieurs, pource que i'ay esté ad-  
uertie du scandale qu'on dit estre donné,  
& receu à Paris, & mesmes hors, à cau-  
se de quelques escrits qu'on attribue à  
monsieur Cahier Ministre de mon Egli-  
se; Je vous fay ce mot, pour vous dire  
que mon desir & intention est, qu'il y  
soit promptement pourueu, selon l'or-  
dre de la discipline des Eglises reformees  
de ce Royaume. Partant puis qu'il es-  
chet a ceste fin de faire assemblée de Mi-  
nistres, ie veux & entends que ce soit en  
ce lieu, afin que ie puisse estre esclarcie  
dudit scandale: Ne voulant aucune-  
ment consentir & fauoriser le mal, en  
qui que ce soit: Mais desirant aussi que  
l'honneur du ministere dudit Cahier soit*

conseruë s'il se trouue inculpable dudit  
scandale. N'estant la presente a autre  
effect, ie prie Dieu, Messieurs, vous dō-  
ner en santé augmentation de ses sain-  
tes graces. De Saint Germain en  
Laye ce 6. iour de Iuin 1595. Vostre  
bien bonne amie Catherine.

Les Ministres & Anciens des Egli-  
ses de ladite Prouince estans assemblez,  
iceluy Sieur Cahier suiuant leur ordre,  
ayant fait la priere & recueilly les voix  
de la compagnie pour l'election d'un  
Moderateur & Scribe; Fit entendre que  
son Altesse vouloit assister a l'action, &  
requeroit qu'outre les Anciens de l'E-  
glise, les principaux de sa maison y fus-  
sent presents. Ce qui luy fut accordé  
tres-volontiers, afin de tant plus iustifier  
ce qui en resulteroit. Toutesfois son Al-  
tesse ny ayant peu assister pour quel-  
ques affaires qui luy estoient suruenues,  
voulut neantmoins qu'on passast outre,  
à condition de luy faire entendre la re-  
solution qui seroit prise, auant que la si-  
gnifier audit Cahier: Et ordonna que le



Sieur de Royes Maistre d'hostel en sa maison, y assisteroit en sa place.

Ladite compagnie apres auoir derechef inuoké le nom de Dieu & ouy les accusations proposees contre ledit Cahier, ouy ses defences, & ceux qui en pouuoient resmoigner: veu aussi les deux Escrits dont il a esté cy dessus fait mention, arresta d'un commun consentement ce qui s'ensuit.

Les Ministres de la Parole de Dieu, & Anciens des Eglises reformees de l'Isle de France, Picardie, & Champagne, assemblez en Synode sous l'autorité de Madame, Et rapport & plainte leur estant faite, du grand & public scandale donné tant à Paris, qu'ailleurs par le Sieur Cahier Ministre en l'Eglise recueillie en la maison de madite Dame, à cause de deux Traictés, desquels ledit Cahier est estimé l'auteur: L'un en latin par luy reconnu estre entierement escrit de sa main, traittant des poincts de la religion Chrestienne controuersés entre les Eglises reformees de ce royaume, & ceux de l'Eglise Romaine, & approuuant & establisant en la resolutiō de



de tous lesdits poinçts, tous les estreurs, abus & superstitiōs de l'Eglise Romaine; portant ledit Traitté pour tiltre, Consilium pium do cōponēdo religionis discidio. L'autre en François, duquel l'inscription est, Remede aux dissolutions publiques, à Messieurs du Parlemēt, escrit de la main du seruiteur dudit Cahier, reueu, corrigé, & amplifié par luy & de sa main. Ont lesdits Ministres & Anciēs avec le Consistoire de l'Eglise de la maison de Madame, prins cognoissance du suieçt desdits Traitez: Et iugé tous d'un commun aduis & consentement, le Latin estre tres-pernicieux & destructif de la vraye & saine doctrine del'Euan-gile: Et le François estre entierement contre les bonnes mœurs, & remply de propos vilains & infames, indignes d'estre recitez; Soustenant contre l'expresse parole de Dieu, & par des passages & exemples de la Sainte Escriture corrompus, & destournez de leur droite interpretation & fin, Que les paillardises doiuent estre permises par les Magistrats, & les bordaux reestablis. Et pource que ledit Cahier a esté conuaincu, d'estre

presumptiuemēt auteur desdits Traitez, & manifestement approbateur du contenu en iceux: Entant qu'il a soustenu en conference publique qu'il a eue par cy-deuant avec lesdits Ministres, & en deuis particuliers avec autres les mesmes erreurs de l'Eglise Romaine, & par les mesmes raisons comprises audit Traitté latin: Et a encor declaré estre prest de les soustenir affirmatiuement, contre la promesse & protestation par luy n'agueres faite & signee de sa propre main: Outre la preuue qu'on en a, par ce qu'on a cognu en plusieurs de ses predications qu'il n'est pur en doctrine. Et que d'abondant il a mis ledit Traitté latin és mains d'un personnage d'honneur faisant profession de la religion Romaine, afin de l'y confirmer, & en auoir son approbation; & depuis consenty ledit Traitté estre par ledit personnage baillé à un autre estant de la Religion reformee; lequel en la presence dudit Cahier a tesmoigné & affermé qu'il luy en auoit parlé sans le condamner; ains au cōtraire en l'approuuant: & qu'au lieu de le supprimer, comme il deuoit, son desir



& intention estoit de le faire imprimer, par son moyen. Et quāt au Traitté François, ont aussi lesdits Ministres & Anciens verifié par la recognoissance & confession dudit Cahier, qu'il estoit adressé à Messieurs du Parlemēt par l'inscription de sa main : & par luy reueu & corrigé, comme dit est. Et outre, que ledit Traitté auoit esté coppié par son seruiteur, & de son commandement, sur vne minute escrete de sa main, comme ledit seruiteur estant de ce enquis, & adiuré au nom de Dieu, l'a déclaré & confessé. Item que ledit Traitté auoit esté par ledit Cahier, leu & interpreté en certains mots, sans aucunement le detester, à vn honnestre ieune homme : & à l'instant mis en ses mains, pour aussi le faire imprimer. Ce que ledit ieune hōme appelle, & interrogé à pareillement affermé & maintenu en la presence dudit Cahier. Esquelles procedures se decouure vne manifeste approbation dudit Traitté. En outre ont lesdits Ministres & Anciens cognu par vn commun & certain rapport, qui leur a esté fait, que les choses susdites estoient sceuës, &

publiees par tout à Paris & ailleurs, au grand scandale de tous les gens de biē, de l'une & de l'autre Religio. Et que par tout on disoit au deshonneur de Dieu, des Eglises reformees, du Saint Ministere, & de madite Dame, ensemble de toute sa maison, que ledit Sieur Cahier Ministre d'icelle estoit auteur desdits liures. Pour ces causes lesdits Ministres & Anciens, avec le Consistoire de ladite Eglise, ayans par plusieurs fois ouy & interpellé sur le contenu cy dessus, ledit Sieur Cahier par admonitions, pour l'induire à donner gloire à Dieu, par vne droitte recognoissance de la verité, & repentāce de ses fautes. Persistant iceluy Cahier en ses denegations cōtre les choses cy dessus recitees, bien & deuēmēt verifiees: impliquant en ses propos beaucoup de contradictions, marques notoires de menterie; & decourant en ce sa mauuaise foy, sans qu'il ait dōné aucun tesmoignage qu'il eust affection de se repentir, & reparer lesdits scandales. Ont iceux Ministres & Anciens avec ledit Consistoire, après l'innocation du nom de Dieu, & auoir



d'abondant semons & pressé ledit Cahier de s'humilier deuant Dieu, & se mettre en deuoir enuers luy & son Eglise, tous d'un commun accord & consentement iugé, Que ledit Sieur Cahier, ne pouuoit plus avec l'honneur de Dieu, du Sainct Ministère, & edification tant de ladite Eglise de chez Madame, que des autres reformees de ce Royaume, y exercer ledit Ministère: Et pourcât l'en ont depose; l'exhortât neantmoins a humilité, & perséuerance en la verité de l'Euangile.

Ceste resolution prise, deux de la compagnie furent deputez pour la faire entendre à son Altesse, laquelle l'ayant bien & meurement examinee y soufcriuit. Qui fut cause qu'elle fut signifiee audit Cahier, lequel ayant requis d'estre ouy deuant son Altesse, il luy fut accordé.

Ou derechef les accusations & preuues d'une part ayant esté ouyes & examinees; Et les deffences de l'autre. En fin son Altesse fut de plus en plus confirmée, avec toute la compagnie, en sa premiere resolution qui luy fut encor signifiee: dont il se porta pour appellant

au Synode national.

Voila les procédures tenuës contre ledit Sieur Cahier, le iugement donné a l'encontre de luy, & les fondemens d'iceluy, que nous nous asseurons qu'on ne scauroit blasmer iustement, que d'une trop grande patience & douceur. Car aussi tant son Altesse, que ceux qui y ont assisté, estoient d'autant plus esloignéz de toute passion, que ledit Sieur Cahier ne leur en auoit donné aucun suiet en leur particulier, ne s'y estans proposé deuant les yeux que l'honneur de Dieu seul, & edification de son Eglise. S. Paul veut que l'incestueux de Corinthe soit promptement liuré à Satan, & reprend aigrement les Corinthiens de ce qu'ils l'auoiēt si long temps souffert au milieu d'eux. Le fils de Dieu blasme l'Eglise de Thyatire d'auoir souffert Iezabel, qui se disoit Propheetesse, d'enseigner & seduire ses seruiteurs pour les faire paillarder. Les anciens Canons veulent que qui est surprins en periure, qui tient propos vilains & sales, qui abandonne son Eglise, pour s'ingerer en vne autre, qui demande ad-

1. Cor. 5.

Apoc. 2.

Can. Apost.

Carth.

Can 60.

Disti. 45.

cap. Cleri-

cum.

Aurel.

can. 2.



uis aux Deuins & Magiciens, soit de-  
 mis de sa charge . Et d'autres ordon-  
 nent que celuy qui est en mauuaise o-  
 pinion entre le peuple , ou qui par  
 mauuais exemple donne suiet de mal  
 penser de luy, encor qu'il n'y ait aucuns  
 tesmoins, si apres quelques admonitiōs,  
 il ne se corrige, qu'il soit suspendu, ius-  
 ques à vne pleine satisfaction. Et certes  
 a bon droit, car Sainct Paul veut que  
 l'Euesque soit irreprehensible. Et s'il faut  
 que la maison de Cæsar soit non seule-  
 ment exempte de crime, mais aussi de  
 soupçon : combien plus la maison de  
 Dieu, & ceux qui en ont la conduite?  
 Or tous les deux concurrens en ce fait,  
 son Altesse deuoit elle souffrir, & les  
 Ministres & Anciens appelez pour en  
 cognoistre, qu'un Aduocat de la paillar-  
 dise, requerant par Requête Messieurs  
 du Parlemēt de r'establir les bordeaux,  
 c'est a dire des boutiques de toutes sor-  
 tes de vilenies, meslanges & confusions  
 de sang: Qu'un protecteur de toutes les  
 plus grossieres & palpables superstitiōs  
 del'Eglise Romaine, comme de la ty-  
 rannie du Pape, baptesme des cloches,

capit. Ca-  
 ro. lib. 6.

cap. 59.

Tolet. 4.

Jan. 30.

Iter. can.

cap. 10.

Agat. cap.

4.

eau beniste, vsage du chapelet, combien  
 qu'en public il les condamnast; Qu'un  
 homme accusé de Magie, qui fait pro-  
 fession de dresser des Natiuitez, dire des  
 bonnes aduentures, qui iouoit tant de  
 personages, avec tant de desguisemēs,  
 mensonges, & pariuremens, continuast  
 en sa charge? faisant autrement ç'eust  
 esté estre approbateur & fauteur des  
 erreurs & vices dont ledit Cahier estoit  
 entaché; Et sur tout de la paillardise,  
 puis que la requeste à Messieurs du Par-  
 lement, procedoit d'un qui auoit c'est  
 honneur d'estre de sa maison. Quel  
 honneur à ceste Princeesse, le miroir de  
 route pudicité, par le tesmoignage mes-  
 mes de ses plus grāds ennemis? L'Empe-  
 reur Auguste est grandement loué d'a-  
 uoir confiné le Poète Ouide pour les li-  
 ures de l'art d'aimer, qu'il auoit faits: Et  
 son Alteſse sera blasmee pour auoir bā-  
 ni de sa maison, celui qui enseigne que  
 la paillardise n'est prohibee de Dieu?  
 Ioas est renommé pour auoir chassé les  
 paillards de la terre: Et l'honneur de son  
 Alteſse sera rualé pour auoir defendu  
 sa maison, à l'instructeur de la paillar-  
 dise?



dise ? Les Peres ont demis Heliodore de son Euesché , pour auoir descrit les amours pudiques de Theagenes & Caliclea. Et les Ministres & Anciens des Eglises reformees de la France n'auront deu deposter du Ministère, celuy qui a escrit de sa main, fait transcrire à son seruiteur, exposé à vn honneste homme, & baillé pour faire imprimer, tout ce que iadis Sapho, & autres semblables, avec l'Arctin, ont inuenté de vilain & de monstrueux?

N'eust-ce pas esté renouueler & confirmer, la calomnie dont autresfois on a chargé nos Eglises, du temps que par la violéce des persecutions elles estoient contraintes de s'assembler la nuit ? Qu'eust ce esté autre chose pour dire en vn mot, qu'approuuer la doctrine des Nicolaites, de Balaam & Iezabel, à l'exemple des Eglises de Pergame & Thiatire, & conuiuer au mal comme celle de Corinthe, pour en souffrir pareille reprehension & condamnation? Apoc. 2.  
1. Cor. 5.

Que chacun sçache donc que la vraye Eglise de Christ, n'a rien de commune avec Sodome. Et l'Espouse du Fils de



Dieu, avec la grande paillardie, & mère  
des fornications.

Que ceux qui cy-apres, entrepren-  
dront la defence du Sieur Cahier cōsi-  
derent, qu'ils ne pourront euitier le blas-  
me, enuers les gens de bien, d'estre Ru-  
fiens ou Putains, puis qu'ils defendent  
celuy qui leur promet toute impunité  
deuant Dieu, & par sa requeste, la leur  
procure enuers les hommes.

Or quant a ceux qui pourroient e-  
stre scandalisez des fautes esquelles ce  
personnage est tombé, veu sa qualité:  
Nous les prions de se souuenir des aduis  
que le S. Esprit nous en a donnez. D'en-  
tre vous dit S. Paul, parlant aux Euef-  
ques d'Achaïe assemblez en la ville de  
*Act. 20.* Milet, sortirōt des loups grēfs, qui n'es-  
pargneront le troupeau. Il faut dit Je-  
*Luc. 17.* sus Christ que scandale aduienne. Et S.  
*Apoc. 12.* Iean a predict que le Dragon roux tire-  
roit avec sa queue nombre d'estoiles en  
terre. Et le Fils de Dieu, qu'auant son  
dernier aduenemēt, il y auroit plusieurs  
*Matt. 24.* Eclipses, & defectuositez en ceux qui  
deuoient estre comme la lumiere du  
monde.



D'ou sont sortis Iudas, Nicolas, Arius, Samosatenus, Eutyches que de ce rang là: Dieu veut que son Eglise soit exercée & esprouvée non seulement par ceux de dehors, mais aussi par ceux de dedans, afin que par ce van, la paille soit chassée, & le bon bled demeure pur de ceste immondicité. Comme donc l'avarice & trahison de Iudas, l'un des douze Apostres, la paillardise de Nicolas, l'un des sept premiers Diacres, n'ont esbranlé la foy des Chrestiens de la primitive Eglise: Aussi la faute & apostasie de Cahier, ne doit esbranler la nostre: d'autant qu'elle n'est fondée sur les hommes, mais sur la verité de Dieu immuable, contenue es Escritures.

Quand ces scandales aduiennent disons avec S. Jean, s'ils eussent esté des <sup>1. Iean. 2.</sup> nostres, ils fussent demeurez avec nous. Reconnoissons vne prouidēce de Dieu admirable, qui a descouvert ce loup, couuert de la peau d'une brebis, auant qu'il peüst apporter plus de dommage. Admirons sa sagesse, qui a surprins ce renard en ses finesses, l'ayant descouvert par son propre indice. Adorons les in-



gemens de Dieu lequel encor que pour vn temps il tollere le sel qui a perdu sa saveur, si est-ce toutesfois qu'en fin il le jette hors pour estre foulé aux pieds.

Considerons en ce personnage l'infirmité de nostre pauvre nature, & comme par degrez le Diable nous conduit a nostre ruine, quand nous luy prestons l'oreille. L'ambition & l'avarice le poussent à se glisser contre tout ordre, en la maison de sa Majesté, & de son Altesse, en abandonnant le troupeau qui luy avoit esté cōmis. Et Dieu permet par son iuste iugement qu'il tombe en diuerses fautes. Et en fin devient profane & contempteur de toute Religio, la faisant servir seulement à ses passions. Car puis qu'ils offrent à soutenir l'affirmative ou négative telle qu'on voudra, on est ce pas tenir la religion comme chose indifférente, & en faire vne chausseure à tous pieds, comme faisoit Thérámenes de son brodequin, ou comme enseigne Machiauel, le Docteur de la Cour Romaine, que la Religion est faite pour les hommes, & non les hommes pour la Religion.



Le feu Roy fut grandement loué,  
pour auoir defendu sa Cour a vn per-  
sonnage, assez cognu d'vn chacun, pour  
auoir faict vn pareil offre: Et vous Mes-  
sieurs les Euesques, & Docteurs de Sor-  
bone receuez en vostre ordre cestuy-  
cy: Vous vous trompez, si vous estimez  
qu'il croye tout ce que vous enseignez.  
S'il le dit de bouche il le nie en son cœur.  
Car lors qu'il fut depose il offrit d'escri-  
re a l'encontre de vous. Et depuis sa  
deposition a long temps continue en  
l'exercice de nostre Religion: Arra-  
cha de quelques vns de la maison de  
son Altesse vn Acte passe deuant le Ta-  
bellion de S. Germain en Laye, portant  
resmoignage de n'auoir rien enseigne  
contraire a la Confession de Foy des E-  
glises reformees de ce Royaume: A par  
plusieurs fois proteste depuis a son Al-  
tesse, qu'il recognoissoit la Religion dont  
elle faisoit profession, & qu'il auoit en-  
seigne, estre la vraye Religion, l'exhortant  
a y perseverer: Et prioit Dieu luy fai-  
re la grace d'y viure & mourir: A es-  
crit le mesme a plusieurs de ses amis, &  
Poitiers, a Eötenay, a Nerac, & ailleurs,



se pleignant du tort qu'on luy faisoit, d'estimer qu'à raisõ de sa depositiõ, il en voulust quitter la profession: se promettant de se faire restablir au Synode national: Et ne nous a quitté qu'alors qu'il a veu, ny pouuoir estre restably.

C'est à nous, ô vrayes membres de Iesus-Christ, de nous humilier deuant Dieu, & recognoistre sa main sur nous: car comme pour les pechez des hommes il souffre regner l'Hypocrite, & dõne quelquefois des Rois en son ire: aussi souffre-il des Iudas, Nicolas, Arrius, & autres telles pestes, estre promeus aux charges Ecclesiastiques. Mais c'est aussi vn tesmoignage qu'il est appaisé enuers nous, quand il les descouure, & en repurge son Eglise, comme il a fait de celtuy cy, & de quelques autres. Mais sur tout recognoissons l'infirmité de nostre nature. Que celuy qui est debout prenne garde qu'il ne tõe. Veillõs & priõs, que nous n'entriõs en tentation. Et prenons garde qu'il n'y ait en aucun de nous, vn cœur mauuais & infidelle pour se destourner du Dieu viuant: mais nous exhortons les vns les autres tousiours,

*Hebr. 6.*



de peur qu'aucun ne s'endurcisse par la  
seduction de peché. D'autant qu'il ne se *Hebr. 6.*  
peut faire que ceux qui ont esté illumi-  
nez, ont gousté le don celeste, faits par-  
ticipans du S. Esprit, gousté la bonne  
Parole de Dieu, & les vertus du siecle a-  
venir, s'ils tombent soient renouvellez  
par repentance: veu qu'ils crucifient Je-  
sus-Christ de rechef en eux mesmes, &  
l'exposent a ignominie. Proposons  
nous les tristes exemples de Iulian & de  
Spiera, afin de nous rendre tant plus soi-  
gneux de cheminer en la crainte de  
Dieu, & le supplier sans cesse, que com-  
me il luy a pleu de commencer ceste  
bonne œuvre en nous, il luy plaise aussi  
la paracheuer. Ainsi soit-il.

de par son...  
Celle...  
pelle...  
et...  
de par...  
Parle de Dieu...  
vont...  
par...  
me...  
l'exp...  
non...  
sp...  
g...  
d...  
me...  
l'exp...  
l'exp...



